



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Qvod Ivdæi Messiam, Qvi uenit, ceu uenturum, temere
expectent**

Samuel <Marochitanus>

Argentorati

VD16 S 1561

Capvt XXIII. Probat hoc idem per uerba Malachiae Prophetæ.

urn:nbn:de:hbz:466:1-36159

VERI MESSIAE

de utero tuo, & gens gentem superabit, & maior seruiet
minori. Domine mi, sola Rebecca fuit mater Iudeorum et
Gentilium. Populus maior & primogenitus fuit Synago-
ga, quæ maior fuit honore & scientia Dei dotata. Popu-
lus secundo genitus & minor apud Deum, fuerunt gentes
in infidelitate manentes, & in ignorantia sua. Si tamen,
domine mi, Deus occidit Israël, prout describit Esaias, et
tunc tota subuersa est Synagoga, quæ fuerat maior, et ser-
uiuit gentibus quæ fuerat minor, ut compleretur uerbum
quod Deus dixit Rebecca. Gens gentem superabit. Etiam
de ecclesia dixit Deus per os David Psalmo. xliij. Astitit
regina à dextris tuis in uestitu deaurato distinctis colori-
bus adornata. Exponitur, domine mi, q̄ ecclesia Gentiliū
quæ uocatur regina diuersitate linguarum omnium quæ ser-
uiunt ei est adornata quasi colorum distinctione. Nam
omnes lingue in ecclesia concordant in uera exposi-
tione legis & psalterij & libri omnium Prophe-
tarum. Synagoga uero nō habuit nisi unam
linguam, & ornatum suum
quasi uno colore. s.
Hebræa.

CAPVT XXIII.

Probat hoc idem per uerba Mala-
chie Prophete.

Timco

P A R A S T A S I S.

TImeo etiam, domine mi, de uerbis inductis superius frequēter per Malachiam Prophetam, dixit Deus Synagogæ, cum ait. Non est mihi uoluntas in sacrificijs uestris, quia ab ortu solis usq; ad occasum magnum est nomen meum inter gentes, quæ offerunt nomini meo sacrificium mūdum. Sicut de natura sua munda sunt, aqua, uinum, & farina pura, de quibus factum est sacrificium & nō indiget mundatione & lotionē, sed Synagoga indiget lauare carnes sacrificiorū, & purgare uentres animalū, quæ in sacrificio sacrificabantur, & lauare locum de sanguine et pinguedine sacrificiorū, aliter esset horror tractare. In sacrificio autem panis & uini & aquæ non apparet aliquid indecens. Prouerbio. viij. Melior est buccella panis, nihil turpe etiā corporaliter sumpta. Estimo, domine mi, quod de isto sacrificio dixit deus per Salomonem Prouer. viij. Melior est buccella panis cum charitate quā uitulus saginatus cū inimicitia. Buccella amoris, domine mi, pura est māsuētudo sup mansuetudinē, et remissio mutua offensarū, et uitulus odij saginatus est oculus p oculo, et occulta itersectio inimicorū. Ergo, domine mi, sacrificium Synagogæ est uitulus pinguis cum inimicitia, & sacrificium ecclesiæ buccella est panis cum charitate, de qua dixit Deus. Melior est buccella &c. Pulchre etiam describit Deus ecclesiam assimilando ceruis per os Salomonis Prouerbiorum. v. ubi ait. Cerua deo charissima in emulo suo, cuius ubera inebrient te omni tempore & amor illius delectet te in æternum. Synagoga enim dici

D posset

V E R I M E S S I A E.

posset cerua aliquo modo, sed non est nobis possibile expo-
nere uerbum istud, respectu illo praesertim, quia non habet
emulum unum sed emulos multos. Aemuli eius fuerunt
Moyses, & Aaron, Daniel, Esaias, Hieremias, & ceteri
similes. Et ecclesia est deo dilecta cerua in amulo suo uno,
de quo et qua scribitur cerua charissima deo in amulo suo
non habente parem in nobilitate & gratia. Tunc addit,
domine mi, et dicit, inebriet te ubera eius omni tempore,
delectare in amore eius iugiter, Quo significatur sacrifi-
cium ecclesiae omni tempore duraturum in aeternum. Simi-
lat autem Deus illam matri lactanti filios, & in hoc quod
dixit, inebriabo te, denotat materiam sacramenti spiritu-
aliter quantum ad uinum, & ubera denotat in reliquis
partibus sacramenti esse delectabile nutrimentum &
sufficiens sacramentum, quo sacrificio iam fruatur & de-
lectatur ecclesia. Iam mille anni sunt, a quo tempore pri-
uauit Synagogam sacrificio. Aemulus autem ille in quo
Ecclesia est tam grata deo, est Christus dominus & ubera
eius dant uinum perpetuum, de quo peruenit gaudium
sempiternum, & non dicit quod dabit carnes & pingue-
dinem uel sanguinem quae faciunt sacrificium laboriosum.
Sacrificium synagogae quo Deus priuauit nos. Iam sunt
mille anni. Nos autem Dei sumus, domine mi. Fuit autem
Synagoga sicut mulier quae habuit alium uirum, supple
Deum, & perdidit illum & domum sanctam. Et ista eccle-
sia fuit cerua in deserto sine marito, sed Deus uicem illius
supplet. Vnde ipse fortis & gloriosus dicit per Esaiam
cap.

P A R A S T A S I S.

ea. lxxiiij. Puella sequestratae meliores sunt quam ille que
 habent uirum. Item ille propheta cap. lxxiiij. Ego faciam,
 dicit dominus Deus, uineam & flumina ad potum popu-
 lo meo electo, & tu Iacob non obediens, & tu Israel non
 audiens. Sicut nos, domine mi, sumus extra obedientiam,
 nec habemus aures nec oculos, quapropter hæc captiui-
 tas nostra tam usq; ad complementum mille annorum per-
 uenit. Timeo, domine mi, de lege nostra que furoris iram
 habet in promptu, & dicit oculum pro oculo &c. Sed
 cerua illa æmulum habens unicum, dixit in Euangetio suo
 glorioso Natthæ. v. Qui te percusserit in unam maxillam
 statue illi alterã. Loquitur Dauid in psalmo. xxxi. Quam
 magna, et quam multa dulcedo tua domine, quam absco-
 disti timētibus te, & cōplcuisti eã sperantibus in te. Et

est clarũ, domine mi, quod populus Synagoge ti-

muerūt pœnas legis .f. oculum pro oculo, quia

erat i promptu excutio Sed populus eccle-

sie sperans est in dulcedine Dei, qui

percussi in faciem non reperiunt.

Quapropter parauit illis Deus

.f. gētibus, magnã multitudi-

nẽ dulcedinis sue quã

abscondit à Iudæis.

Attamen &c.

CAPVT XXIIII.

Quod cãntus Christianorũ est Deo acceptus.

D 2

Paueo,